

永嘉縣志卷之十四目錄

人物志二

名臣

十九人
附五人

宋

吳表臣

子松

婁寅亮

林季仲

弟叔

張闡

薛徽言

胡

襄

兄哀
姪序

薛叔似

何溥

葉適

林略

周端朝

戴慶炯

湯志
宦績

陳宜中

明

黃淮

王瓚

張孚敬

項喬

孫敬
祖

陳堯言

王瑞柟

舊志
忠臣

府志有薛紹陳龜年陳畏方來潘凱林裕婁溶徐安行
王諍周應期張天麟縣志俱改仕績而脫陳龜年陳畏

永嘉縣志

卷之十四

人物
名臣
目錄

又載徐誼係平陽人湯志削之而補戴慶炯於宦績仍
漏陳畏未載又補倪壽於名臣今削

永嘉縣志卷之十四

人物志二

名臣

儒者之道處則爲名士出則爲名臣一官一邑必有宦績其遇變則爲介節爲忠義在家則爲孝友居鄉則有義行伏處則爲隱逸其潤身則有文學藝術名雖不同其道一也永嘉之儒宦達者衆自宋以來位宰執者六人侍從臺諫五十餘人監司郡守百十餘人可謂盛矣其因事立功守義不苟者旣各以類爲次至於名位差隆風績炳著者特首揭之爲凡爲臣者樹之鵠焉若乃

永嘉縣志

卷之十四

人物 名臣

一

沈沒下寮馳驅疆場而建言樹績不愧名臣如婁陟明王聖木之流尤儒者之盛軌也故並載之以爲有位者勸

宋

吳表臣字正仲少從周行己學與兄鼎臣同登大觀三年進士第擢通州司理陳瓘謫居郡中一見而器之盛章者朱勔黨也嘗市婢有武臣彊取之章誣以罪繫獄表臣方鞠之郡將曰知有盛待制乎表臣佯若不知者卒直其事高宗幸永嘉訪求人才趙鼎薦之召對於江心寺首論賞罰不可不明上是之顧語宰執表臣似素宦者卽日除監

察御史扈從還越遷右正言高宗詔臺諫條陳大利害
臣請措置上流以張形勢安輯淮甸以立藩蔽擇民兵以
守險阻集海舶以備不虞其策多見用帝方鄉儒術表臣
乞選講官以裨聖德且於古今成敗民物情僞邊防利害
詳熟講究由是詔開經筵邇臣有請用蔡京王黼之黨者
侍御史沈與求乞明指其人顯行黜責執政不悅奪其言
職表臣爭曰臺諫爲天子耳目所以防壅蔽杜姦邪若咎
其切直而黜之後誰敢言非國家福也請還與求以開言
路時防秋議選守邊者患乏才表臣曰唐蕭復言於德宗
陳少游任兼將相首敗臣節韋皋幕府下僚獨建忠義以

永嘉縣志

卷之十四

人物

名臣

二

皋代少游鎮淮南善惡著明則天下知逆順之理初不以
皋名賤官卑爲疑今取忠義不屈有已試之驗者不次而
用豈特可以勸捍禦方略亦堪倚仗於是陳敏等十數人
寢以錄用久之以病請補外以直秘閣知信州紹興元年
召爲司勳郎中遷左司詔百官陳裕國彊兵之策表臣條
十事以獻曰蠲稅役以墾閒田汰懦卒以省兵費罷添差
以澄冗員停度牒以蕃生齒拘租佃以防乾沒委計臣以
制邦用獎有功以厲將帥招弓手以存舊籍嚴和買以絕
弊倖簡法令以息瘡痍宰相擬表臣爲檢正帝曰朕將自
用之遂除左司諫給事中胡安國以論事不合罷表臣上

疏留之前宰相朱勝非同都督江淮軍馬表臣力言都督不可罷除侍讀又累疏爭之不聽遂罷表臣送吏部授台州黃巖丞尋除點檢浙西刑獄召爲秘書少監同修哲宗實錄帝如建康詔表臣兼留司參議官除中書舍人給事中兵部侍郎建崇二國公就外傳兼翊善帝曰二國公誦習甚進卿力也徙禮部侍郎遷吏部尙書兼翰林學士時秦檜欲使使金議地界指政事堂曰歸來可坐此表臣不答又以議大禮忤意罷去俄起知婺州會大水發常平米賑貸之然後以聞郡人德之課最除敷文閣待制三歲請祠進直學士提舉江州太平興國宮家居數年卒年六十

永嘉縣志

卷之十四

人物

名臣

三

七表臣晚號湛然居士自奉無異布衣時鄉論推其清約

宋史

本傳子龜年紹興乙丑進士歷檢正諸房文字湖南運判

邵年戊辰進士西外宗教咸有政聲

府志

松年字公叔少年

工文人以爲有孫覲汪藻風張忠獻公謂之曰士當爲有用之學不必苦心詞章因令與其子敬夫游以任子累官明州通判除將作監丞江西安撫司參議尋知南劍州以答天意固民心爲對再知潭州未赴卒松年風神高邁談論傾座超然如晉唐間人物好古樂道經明行修不競於進慤而淡介而迥於兄弟尤友愛與王忠文公十朋鄭文

壽公伯熊文軒東萊諸公善與者

湖集

宋元

學案

婁寅
和二年進士授

兗州儀曹掾兼兵曹

在政和二年
山東考古卷

遷存越州稅院充毗

陵考試官

在靖康元年
見毗陵志

調上虞丞建炎三年皇太子薨

仙井貢士李時雨請選立宗子帝怒斥之此後無敢有言

者明年帝播遷至越寅亮上疏云先正有言太祖舍其子

而立弟此天下之大公周王薨章聖取宗室育之宮中此

天下之大慮也仁宗感悟其說詔英祖入繼大統文子文

孫宜君宜王遭罹變故不斷如帶今有天下者獨陛下一

人而已屬者椒寢未繁前星不耀孤立無助有識寒心天

其或者深戒陛下追念祖宗公心長慮之所及乎崇寧以

永嘉縣志

卷之十四 人物 名臣

四

來諛臣進說獨推濮王子孫以為近屬餘皆謂之同姓遂

使昌陵之後寂寥無聞奔迸藍縷僅同民庶恐祀豐於昵

仰違天監太祖在天豈肯顧歆是以二聖未有回鑿之期

金人未有息肩之日臣愚不識忌諱欲乞陛下於子行中

遴選太祖諸孫有賢德者視秩親王俾牧九州以待皇嗣

之生退處藩服并選宣祖太宗之裔材武可稱之人升為

南班以備環衛庶幾上慰在天之靈下係人心之望帝讀

之感悟樞密富直柔薦之紹興元年召赴行在以其言宗

社大計也既入見復上疏曰陛下轍迹所環六年於外險

阻艱難備嘗之矣然而二聖未還金人未滅四方未靖者

何哉天意若曰人祚宋德太祖不私其子而保之不幸姦邪誤國而壞之將使嗣聖念祖思危而後獲之乃所以申其永命也臣誠狂妄去歲上章請陛下取太祖諸孫之賢者視秩親王使牧九州誤蒙采聽赦而不誅茲蓋在天之靈發悟聖心爲社稷計非愚臣之所及也伏望宣告大臣行之它日皇子之生使之退處藩服不過增一節度使爾陛下以太祖之心行章聖之慮自然孝弟感通兩宮回蹕澤流萬世改命入官擢監察御史時相秦檜以其直柔所薦惡之諷言者論寅亮匿父喪不舉下大理鞫問不實猶坐爲族父冒占官戶罷職送吏部由是坐廢史臣論曰寅

永嘉縣志

卷之十四

人物

名臣

五

亮請立太祖後爲太子能言人臣之所難言而高宗慨然從之君仁而臣直秦檜誣以罪譴嗚呼冤矣

宋史本傳
南宋書

林季仲字懿成號竹軒兄弟四人皆橫塘許氏弟子登宣和進士調婺州兵曹出死囚之無罪者遷知仁和縣建炎初杭卒亂季仲躬率弓手土兵捍截有功改宣教郎高宗幸永嘉季仲奉母避兵山下以中丞趙鼎薦與吳表臣並召見授臺官及鼎輔政累遷吏部郎面對乞重守令之選且曰願從陛下丐一縣令以自效臣承乏郎曹求爲縣令若不情者然官職輕重惟陛下如何以省部爲重則重在郎官以斯民爲重則重在縣令郎官出宰百里請自臣始

除太常少卿鼎罷相亦出知泉州鼎再入相奏今清議所與如劉大中胡寅呂本中常同林季仲之流陛下能用之乎不能則臣無所措手足除三省檢正諸房文字紹興八年秦檜復相力主和議季仲上疏曰金人不共戴天之讎也而說者曰天命如此其奈何夫人事盡而後可以言命四夷交侵必因小雅之廢外攘夷狄必由政事之修如以命而已矣則賢材不必求政刑不必用將帥士卒不必選練軍馬器械不必選備以待命之將興可矣故李泌以謂君相不可言命惟當修人事而已吳王闔閭之敗也其子使人口傲於其側曰夫差而忘越王之傷而父乎故卒

能破越於夫椒越王句踐之敗也喟然歎曰吾終此乎亦卒能滅吳於姑蘇區區吳越發於感憤猶能以危而安以亡爲存況以天下之大億兆之衆乘其怒心養其銳氣待時而動則克復舊物還都中原夫亦何難之有哉疏上大忤檜意罷去久之起婺州改處州復以直秘閣奉祠卒有竹軒雜著十五卷弟仲熊叔豹季狸子思永孫士謙俱登第叔豹字懿文一字德惠宣和六年進士第爲李綱行營使幕官甚倚任之建炎初知慈谿縣廉明勁直高宗南幸敕戒衛士毋肆苛擾以撓賢令時聞金人將至境有武悍之徒百十爲羣乘勢抄劫叔豹廉其狀捕而斬之於是遠

近知畏絕剽掠之慮金人破明州以鄞之降紳蔣安義爲
守金師退叔豹率鄉兵入城杖殺安義一郡獲安高宗駐
蹕臨安知其才召拜監察御史以風力稱累官江東轉運
副使

兩浙名賢錄三朝北盟
會編宋元學案舊志

張闡字大猷幼力學博涉經史善屬文將命名夢神人大
書闡字曰以是名爾父忱異之力勉其爲學未冠由舍選
貢京師登宣和六年進士第調嚴州兵曹掾兼治右獄時
方臘作亂闡倡守禦計有義士請身督戰旣戰稍却州將
怒付闡治將殺之闡力爭曰是士以義請戰官軍却勢不
得獨前非首奔者殺之何罪州將意解士得免李回帥江
永嘉縣志

卷之十四 人物 名臣

七

西席益帥湖南皆辟置幕下羣盜據洞庭官軍多西北人
不閑水戰闡建策造戰艦以大艦爲營小艦出戰乘水涸
直搗賊巢賊勢以衰諸司交薦改秩吏部以微文沮之闡
弗辯求嶽祠歸歷鄂台二州教授紹興十年詔侍從各舉
所知給事中林待聘以闡聞召對時金人議和歸關中地
闡首言關中必爭之地古號天府願固守以蔽巴蜀圖中
原次言監司郡守薦舉之弊又乞嚴禁遏糴以濟江浙水
患召試館職除祕書省正字遷校書郎兼吳益王府教授
時諸將恃功邀爵賞有過則姑息又兵布於外禁衛單寡
闡上疏極論之後稍進退諸將必當其實且召諸道兵以

益禁旅皆如闡言十三年遷祕書郎兼國史院檢討官秦
檜每薦臺諫必先諭以己意嘗謂闡曰祕書久次欲以臺
中相處何如闡謝曰丞相見知得老死祕書幸矣檜默然
竟罷主管台州崇道觀歷泉衢二州通判二十五年冬帝
躬攬萬幾起闡提舉兩浙路市舶入爲御史臺檢法官陞
吏部員外郎孝宗在王邸帝妙選官僚謂莊重老成無踰
闡者改禮部郎中兼建王府贊讀三十一年春大雨無麥
苗荆浙盜起詔侍從臺諫條陳弭災禦盜之術闡上疏曰
和議以來歲有聘幣民不堪命臣願陛下毋以金人困中
國可乎歸正人時有遣還之命怨聲聞道路臣願陛下毋
永嘉縣志

卷之十四 人物 名臣

八

使金人得以甘心可乎州縣吏職卑地遠漁奪之禍被於
編籍臣願陛下嚴賊吏之誅可乎蠲租之令已赦復征寬
大之澤例爲虛文臣願陛下申詔令之禁可乎是數者能
次第行之則足以動天地召和氣災異盜賊不足慮也又
言金主亮將入侵宜守要害防海道三邊不可無良將督
視不可無大帥疏奏帝嘉納面諭曰卿所言深中時病但
遣人北歸已載約書朕不忍渝也遷將作監三十二年夏
進宗正少卿兼右諭德孝宗卽位擢權工部侍郎兼侍講
入謝言諸將以敗爲捷冒受爵秩州廂禁軍因覃霈鼓譟
希厚賞不可不正其罪時悉爲施行金主亮死葛王褒復

求和再議遣使闡言宜嚴遣使之命正敵國之禮彼或不從則有戰爾如是則中國之威可以復振帝曰使者報聘故事也舊約不從朕志定矣是冬給札侍從臺諫脩具時務闡上十事皆剴切當時應詔數十人惟闡與國子司業王十朋指陳時事斥權倖無所回隱明日召兩人對內殿帝大加稱賞賜酒及御書時進太上皇帝太上皇后冊寶工部例進官闡辭或曰公轉一階則澤可以及子孫奈何辭闡笑曰寶冊非吾功也吾能爲子孫冒無功賞乎隆興

元年真拜工部侍郎闡奏臣去冬乞守禦兩淮陛下謂春

山之夏秋當畢今其時矣帝曰江淮事盡付張浚朕倚

縣志

卷之十四

人物 名臣

九

長城會督府請受蕭琦降詔問闡闡請受其降俄報收復靈壁縣闡慮大將李顯忠邵宏淵深入無援奏兵殿後已而王師果失利衆論歸罪於戰闡曰陛下受降是也諸將違節度且無援而敗當矯前失安可銳氣帝壯其言益出御前器甲付諸軍手詔勞浚軍振時數易臺諫闡力言之請增廣諫員帝曰臺諫好如某人但欲得直聲而去闡曰唐德宗疑姜公輔爲賣且陸贄切諫願陛下深以爲鑒帝再三嘉獎金人求和帝八闡議闡曰彼欲和畏我耶愛我耶直款我耳力陳六害不可許帝曰朕意亦然姑隨宜應之帝記賣直之語謂胡

銓亦及此朕非拒諫者辨是非耳闡曰聖度當如天奈何
與臣下爭名帝曰卿言是也頃之除工部尙書兼侍讀金
副元帥紇石烈使高志靈來以書論通好所請三事國書
歲幣之議已定惟割唐鄧海泗未決將遣王之望龍大淵
通問而衆言紛紛不已闡謂不與四州乃可通和議論先
定乃可遣使今彼爲客我爲主我以仁義撫天下彼以殘
酷虐吾民觀金勢已衰何必先示以弱朝論躡之帝用直
宗故事命經筵官二員遞宿學士院以備顧問闡入對
數屢引疾乞骸骨帝不忍其去二年闡請益力迺除顯

閣直學士提舉太平興國宮陛辭帝問所欲言闡奏

永嘉縣志

卷之十四

人物 名臣

十

則忘祖宗之讎棄四州則失中原之心遣歸正人則
義之氣惟陛下毋忘老臣平昔之言其指時事尤
眷益篤諭以秋涼復召加賜金犀帶特許佩魚居

卒年七十四特贈端明殿學士淳熙十年賜諡忠

少師朱熹嘗言秦檜挾敵要君力主和議羣言勃勃

檜旣摧折忠臣義士之氣遂使士大夫懷安成習至

和議則知其非者鮮矣朝論間有建白率雜言利害

金人世讎不可和者惟胡右史銓張尙書闡耳所著

忠簡文集若干卷藩邸聖德事迹十卷經筵講義故事

千篇奏議若干卷子四伯桂太學生早卒仲梓字材卿

議大夫知復州樓鑰銘其墓叔椿字春卿隆興癸未進士
吏部尚書知鎮江府季樛以恩蔭補官終知和州自有傳
宋史本傳南宋書周必大平園續稿舊府縣志

薛徽言字德老強立季子少孤警穎既長能自立力學刻苦窮晝夜弗懈從胡文定安國遊博通諸經登建炎二年進士第授南劍州司法車駕幸温州以書謁中司趙鼎薦之於上召對合旨改左承奉郎充樞密院計議官紹興二年遣使分行諸路徽言在選中以權監察御史宣諭湖南時郴道桂陽三州旱饑徽言請於朝不待報即諭漕臣發衡永米以賑而以經制銀市米償之所刺舉二十人使還永嘉縣志

卷之十四 人物 名臣

七

而他使皆進擢宰相呂頤浩以徽言擅易守臣而移用經制銀出知興國軍入爲比部郎官歷左右司擢起居舍人時秦檜與金人議和徽言與吏部侍郎晏敦復等七人同拜疏爭之一日檜於上前論和徽言直前引義固爭反復數刻中寒疾而卒年四十七高宗念之賻絹百匹特與遺表恩子二季隨將仕郎季宣自有傳宋史本傳薛浪語集
胡襄字季皋其先由永康徙永嘉登紹興第隆興初以王十朋薦除江西提刑召對備言宣靖間事臣實親見豈惟廟謨外失亦由人心內離願陛下覽觀覆轍備而後動孝宗傾聽除太常少卿兼樞密都承旨左相陳俊卿雅相敬

重襄每燕見必舉當世弊事與政所宜先者俊卿喜其助已益重之除直徽猷閣江東提刑移福建卒襄早學於胡安國固已一出於正晚復交朱子由是體用浹洽本末純粹朱子嘗語人曰永嘉前一輩人物究竟終別蓋指劉許以及襄也兄襄以布衣從大將岳飛定羣盜官荆湖制置司幹辦公事哀字仲穎登第終滁州通判初哀讀書天慶觀故相秦檜在永嘉出不意杖策來覘之哀方讀孟子書不爲輟也檜因誦宋句踐一章以感諷哀哀訖其去如初且不還謁及檜再相有以哀薦者檜曰是固以三顧望人者邪卒不用哀無子以襄子序爲後序字少賓娶薛季宜

永嘉縣志

卷之十四

人物 名區

三

姊爲妻已而與鄭純全真往還純常從隱君子游間一至瓠邑必食寢於序家序年三十走千里見駭人金梁之梁之嘗爲奉新尉棄官歸最善鄭純序介以見留數月而後歸乃更自負晚監湖州酒稅未赴卒陳傅良誌其墓

兩浙名賢

錄止齋文集

薛叔似字象先其先河東人後徙永嘉游太學解褐國子錄初登對論祖宗立國之初除二稅外取民甚輕自熙寧以來賦日增而民困滋甚孝宗嘉納因曰朕在宮中如一僧叔似曰此非所望於陛下當論功業如何正使海內富庶如文景不過江左之文景法度脩明如明章不過江左

之明章陛下卽位二十餘年國勢未張未免牽於苟安無
事之說上默然後數日宰執進擬朝士上出寸紙書叔
及應孟明姓名嘉其奏對也遷太常博士尋除樞密院
修官時倣唐制置補闕拾遺宰臣啟擬令侍從臺諫
上自除叔似左補闕叔似論事遂劾首相王淮去位
主殂太孫景立叔似奏規模果定則乘五單于爭立
規模不存則恐成五胡迭起之勢光宗受禪時傳金
界使名未正叔似奏自壽皇一正匹敵之禮金人尙
顧之虞使名未正而遽受之祇以重其玩侮翼日復
國者畏敵太過上奮然開納除將作監出爲江東轉

永嘉縣志

卷之十四

人物

名臣

三

官俄以諫臣論罷主管冲佑觀尋除湖北運判復
閣移福建召爲太常少卿兼實錄院檢討官守祕書
戶部侍郎初丞相周必大請擇侍從臺諫忠直者提
史局蓋用神宗朝司馬光與王安禮故事躔度少差
銷弭遂命叔似提舉案玉海在紹熙五年閏十月尋兼樞密都承
劉德秀疏罷提舉興國宮知贛州移隆興府廬州召除
京宮觀兼侍讀進權兵部侍郎兼同修國史兼國用司
議官兩浙民有身丁錢叔似請於朝遂蠲之試吏部
兼侍讀充京湖宣諭使時韓侂胄開邊除兵部尙書宣
使叔似方乞給降官會分撥綱運募兵鬻馬辟致僚佐而

皇甫斌唐州之師已敗矣遂劾斌南安軍安置叔似料敵必侵光黃委總領陳謙按行五關發鄂卒守三關金果入寇謙駐漢陽爲江左節制尋除叔似端明殿學士兼生時宣撫使兵戍襄陽都統趙瀆副統制魏友諒與締渭孫不相下渭孫死之叔似遂自劾委任失當叔似功業自期逮臨事絕無可稱以御史王益祥論奪侂冑誅諫官葉時再論降兩官謫福州以兵端之迎合故也久之許自便嘉定十四年卒贈銀青半

諡恭翼舊志作文節疑誤叔似雅慕朱熹窮道德性命之

文地理鍾律象數之學有藁二十卷宋史子師雍從

永嘉縣志 卷之十四 人物 名臣 十四

連江縣丞陳傅良之壻也止齋集

何溥字通遠百里坊人試禮部第一登紹興進士第

安府學教授授刪定官出通判婺州忤秦檜罷檜

除監察御史遷左司諫紹興二十九年六月御史朱伯

古劾尙書左僕射沈該溥與右正言都民望亦言沈

資庸回志趣猥陋自爲小官已無廉聲徒以諂諛秦

蒙提挈濫厠禁嚴連帥梓夔略無善狀以子弟爲

親信爲爪牙陛下比因更化錄其一得之慮起之謫

在政途俾得自新以圖報塞今冠台席亦既三年舉

方積失人望引所厚善置在要津請託公行幾成市道夫

宰領之職無所不該乃謂軍旅錢穀之事各有司存凡百書漫不加省陛下近念士人留滯逆旅特令速與差注旬日以來未聞有不因介紹而得之者望亟賜罷黜帝命溥等皆退而俟命尋罷該提舉洞霄宮十二月試右諫議大夫首論將帥不治兵而治財戰鬪之士變為商賈繼勅鎮江都統制劉寶及吏部侍郎沈介又率同列攻丞相湯思退俱罷之在言路六年知無不言號為稱職三十年九月權工部侍郎明年三月除翰林學士兼權吏部尙書五月充館伴使以疾請外補授龍圖閣學士領宮祠卒

名賢錄
續通鑑

永嘉縣志

卷之十四 人物 名臣

五

葉適字正則其先龍泉人也後徙瑞安至適始定居永嘉城南之水心因以水心自號十歲能屬文藻思英發擢淳熙五年進士第二人授平江節度推官丁母憂改武昌軍節度判官少保史浩薦於朝召之不至改浙西提刑司幹辦公事士多從之游參知政事龔茂良復薦之召為太學正遷博士因輪對奏曰人臣之義當為陛下建明者一大事而已二陵之讎未報故疆之半未復而言者以為當乘其機當待其時然機自我發何彼之乘時自我為何彼之待非真難真不可也正以我自為難自為不可耳於是力屈氣索甘為退伏者於此二十六年積今之所謂難者陰

沮之所謂不可者默制之也蓋其難有四其不可有五置不共戴天之讎而廣兼愛之義自爲虛弱此國是之難一也國之所是既然士大夫之論亦然爲奇謀祕畫者止於乘機待時忠義決策者止於親征遷都深沈慮遠者止於固本自治此議論之難二也環視諸臣迭進迭退其知此事本而可以反覆議論者誰乎抱此志意而可以策勵期望者誰乎此人才之難三也論者徒鑒五代之致亂而不思靖康之得禍今循守舊模而欲驅一世之人以報君仇則形勢乖阻誠無展足之地若順時增損則其所更張動搖關係至重此法度之難四也又有甚不可者兵以多而

永嘉縣志

卷之十四

人物 名臣

六

至於弱材以多而至於乏不信官而信吏不任人而任法不用賢能而用資格此五者舉天下以爲不可動豈非今之實患歟沿習牽制非一時矣講利害明虛實斷是非決廢置在陛下所爲耳讀未竟帝感類曰朕比苦目疾此志已泯誰克任此惟與卿言之耳及再讀帝慘然久之除太常博士兼實錄院檢討官嘗薦陳傅良等三十四人於丞相後皆召用時稱得人會朱熹除兵部郎官未就職爲侍郎林栗所劾適上疏爭曰栗劾熹罪無一實者特發其私意而遂忘其欺矣至於其中謂之道學一語利害所係不獨熹蓋自昔小人殘害忠良率有指名或以爲好名或以

爲立異或以爲植黨近創爲道學之目鄭丙倡之陳賈和之居要津者密相付授見士大夫有稍慕潔修者輒以道學之名歸之以爲善爲玷闕以好學爲過愆相與指目使不得進於是賢士惴慄中材解體銷聲滅影穢德垢行以避此名粟爲侍從無以達陛下之德意志慮而更襲用鄭丙陳賈密相付授之說以道學爲大罪文致言語逐去一熹自此善良受禍何所不有伏望摧折暴橫以扶善類疏入不報光宗卽位由祕書郎出知蘄州與處士李之翰切劘性命之學遷淮西提舉入爲尙書左選郎官是時帝以疾不朝重華宮者七月事無鉅細皆廢不行適見上力言

永嘉縣志

卷之十四

人物 名臣

七

父子親愛出於自然浮疑私畏似是而非豈有事實若因是而定省廢於上號令愆於下人情離阻其能久乎旣而帝兩詣重華宮都人懽悅適復奏自今宜於過宮之日令宰執侍從先詣起居異時兩宮聖意有難言者自可因此傳致則責任有歸不可復使近習小人增損語言以生疑惑不報已而事復寢異中外洶洶及孝宗不豫羣臣至號泣攀裾以請帝竟不往適責宰相留正曰上有疾明甚父子相見當俟疾瘳公不播告使臣下輕議君父可乎未幾孝宗崩光宗不能執喪軍士相籍有語變且不測適又告正曰上疾而不執喪將何辭以謝天下今嘉王長若預建

參決則疑謗釋矣宰執用其言同入奏立嘉王爲皇太子
帝許之俄得御批有歷事歲久念欲退閑之語正懼而去
人心愈搖知樞密院趙汝愚憂危不知所出適告知閣門
事蔡必勝曰國事至此子爲近臣庸坐視乎蔡許諾與宣
贊舍人傅昌朝知內侍省關禮知閣門事韓侂胄三人定
計侂胄太皇太后甥也會慈福宮提點張宗尹過侂胄侂
胄覘其意以告必勝適得之卽亟白汝愚汝愚請必勝議
事遂遣侂胄因張宗尹關禮以內禪議奏太皇太后且請
垂簾許之計遂定翌日禫祭太皇太后臨朝嘉王卽皇帝
位親行祭禮百官班賀中外晏然凡表奏皆汝愚與適裁
永嘉縣志

卷之十四

人物 名臣

六

定臨期取以授儀曹郎人始知其預議焉遷國子司業汝
愚旣相賞功將及適適曰國危效忠職也適何功之有而
侂胄恃功以遷秩不滿望怨汝愚適以告汝愚曰侂胄所
望不過節鉞宜與之汝愚不從適歎曰禍自此始矣遂力
求補外除太府卿總領淮東軍馬錢糧及汝愚貶衡陽而
適亦爲御史胡紘所劾降兩官罷主管冲佑觀差知衢州
辭起爲湖南轉運判官除祕閣修撰遷知泉州召入對言
於靈宗曰陛下初嗣大寶臣嘗申繹卷阿之義爲獻天啟
明聖銷磨黨偏人才庶幾復合然治國以和爲體處事以
平爲極臣欲人臣忘己體國銘心旣往圖報方來可也帝

其初韓侂胄用事患人不附一時小人在言路者創
爲僞學之名舉海內知名士貶竄殆盡其後侂胄亦悔故
適奏及之且薦樓鑰邱密黃度三人悉與郡自是禁網漸
解矣除權兵部侍郎以父憂去服除召至時有勸侂胄立
蓋世功以固位者侂胄然之將啟兵端適因奏曰甘弱而
幸安者衰改弱而就疆者興陛下申命大臣先慮預算思
報積恥規恢祖業蓋欲改弱以就疆矣竊謂必先審知疆
弱之勢而定其論論定然後修實政行實德弱可變而爲
疆非有難也令欲改弱以就疆爲問罪驟興之舉此至大
至重事也故必備成而後動守定而後戰今或謂金已衰
永嘉縣志

卷之十四

人物 名臣

九

弱姑開先釁不懼後艱求宣和之所不能爲紹興之所不
敢此至險至危事也且所謂實政者當經營瀕淮沿漢諸
郡各辦家計牢實自守敵兵至則阻於堅城彼此策應而
後取進之計可言至於四處御前大軍練之使足以制敵
小大之臣試之使足以立事皆實政也所謂實德者當今
賦稅雖重而國愈貧如和買折帛之類民間至有用田租
一半以上輸納者況欲規恢宜有恩澤乞詔有司審度何
名之賦害民最甚何等橫費裁節宜先減所入之額定所
出之費既修實政於上又行實德於下此其所以能屢戰
而不屈必勝而無敗也除權工部侍郎侂胄欲藉其草詔

以動中外改權吏部侍郎兼直學士院以疾力辭兼職會
詔諸將四路出師適又告侂冑宜先防江不聽未幾諸軍
皆敗侂冑懼以邛窰爲江淮宣撫使除適寶謨閣待制知
建康府兼沿江制置使適謂三國孫氏嘗以江北守江自
南唐以來始失之建炎紹興未暇尋繹乃請於朝乞節制
江北諸州及金兵大入一日有二騎舉旗若將渡者淮民
倉皇爭斫舟纜覆溺者衆建康震動適謂人心一搖不可
復制惟劫砦南人所長乃募市井悍少并帳下願行者得
二百人使采石將徐緯統以往夜過半遇金人蔽茅葦中
射之應弦而倒矢盡揮刀以前金人皆錯愕不進黎明知

永嘉縣志

卷之十四

人物 名臣

二十

我軍寡來追則已在舟中矣復命石跋定山之人劫敵營
得其俘馘以歸金解和州圍退屯瓜步城中始安又遣石
斌賢渡宣化夏侯成等分道而往所向皆捷金自滁州遁
去時羽檄旁午而適治事如平時軍需皆從官給民以不
擾淮民渡江有舟次止有寺給錢餉米其來如歸兵退進
寶文閣待制兼江淮制置使措置屯田遂上堡塢之議初
淮民被兵驚散日不自保適遂於墟落數十里內依山水
險要爲堡塢使復業以守春夏散耕秋冬入堡凡四十七
處又度沿江三大堡石跋則屏蔽采石定山則屏蔽
靖安瓜步則屏蔽東陽下蜀西護溧陽東連儀真緩急應

援首尾聯絡東西三百里南北三四十里每里以二千家
為率教之習射無事則以五百人一將戍守有警則增募
新兵一千及抽摘諸州禁兵二千人并堡塢內外居民勝
兵者通為四千五百人共相守戍而制司於每歲防秋別
募死士千人以為刼砦焚糧之用因言堡塢之成有四利
大要謂敵在北岸共長江之險而我有堡塢以為聲援則
敵不敢窺江而士氣自倍戰艦亦可以策勲和滁真六合
等城或有退遁我以堡塢全力助其襲逐或邀其前或尾
其後制勝必矣此所謂用力寡而收功博也三堡就流民
漸歸而侂冑適誅中丞雷孝友劾適附侂冑用兵遂奪職

永嘉縣志

卷之十四

人物 名臣

三

自後奉祠者凡十三年歷華文閣待制寶謨閣直學士提
舉嵩山崇福宮上清太平宮至寶文閣學士通議大夫嘉
定十六年卒年七十四贈光祿大夫諡忠定適志意慷慨
雅以經濟自負方侂冑之欲開兵端也以適每有大讎未
復之言重之而適自召還每奏疏必言當審而後發且力
辭草詔第出師之時適能極力諫止曉以利害禍福則侂
冑必不妄為可免南北生靈之禍議者不能不為之歎息
焉適讀書著文成一家言名重當世遠至高麗亦購求其
文所著有習學記言荀楊問答水心文集別集凡百餘卷

行於世

宋史儒林傳舊府
縣志水心文集

林略字孔英

舊志誤作公英

慶元五年舉進士歷饒州大寧監教

授辟幹辦四川茶馬司公事崔與之帥蜀日之曰此臺閣之瑞也薦之遷武學博士國子監丞太常寺丞出知衢州奉祠時相喬行簡又薦之理宗曰朕知其為名儒召拜宗正少卿兼崇政殿說書遷右司諫尋遷左司諫兼侍講告於帝曰虛心以為從諫之本從諫以為求治之本拜殿中侍御史升侍御史試右諫議大夫言論剴切嘉熙三年八月除端明殿學士同簽書樞密院事十月以言罷渣祐三年八月提舉洞霄宮除資政殿學士致仕卒特贈宣奉大夫

宋史本傳宰輔表舊府志

永嘉縣志

卷之十四

人物 名臣

周端朝字子靖行己族孫父鼎臣自有傳端朝自少淹貫經史為葉適所知繼從朱子於武夷學業益進紹熙中入太學慶元初韓侂胄引李沐為右正言劾趙汝愚罷相端朝與同舍生楊宏中張道林仲麟蔣傅徐範六人上疏救之得罪羈信州久之放免時號六君子登嘉定第調桂陽軍教授首立濂溪祠以示準的改太學錄遷博士入對言人主之學所繫與士大夫不同士大夫一心之存亡繫一身之是非人主一念之操舍關天下之休戚除太常丞兼司封郎久之遷祕書少監兼侍講復上言近歲經筵例咸兼職令抱道篤學之士列庶官而置散地乞廣收召以備

其選於是蔣重珍徐清叟葉味道相繼進用端平初時相以浮議遽興三京之師端朝力言其不可既而師敗卒如其言除權刑部侍郎卒諡文忠

舊府志

戴慶炯字彥可淳祐十年進士累官主管戶部架閣文字召試館職遷祕書省正字兼史館校勘升校書郎遷右正言寶祐五年二月慶炯言數十年來諸處戎帥專肆貪婪逼令軍人營連願申警戎帥嚴與禁戢軍債從之尋與殿中侍御史朱熠等劾同簽書樞密馬天驥罷之轉左司諫殿中侍御史六年六月劾淮東總領趙與峕奪職鐫秩七月劾知平江府余晦曩敗績於蜀誤國欺君詔奪寶章閣永嘉縣志

卷之十四 人物 名臣

三 民國十四年補刻

待制罷任追冒支官錢尋升侍御史開慶元年拜右諫議大夫九月加端明殿學士簽書樞密院事十一月兼權參知政事景定元年四月癸丑除同知樞密院事兼參知政事五月庚辰卒贈特進資政殿大學士初牟子才知太平州董宋臣丁大全嗾御史誣劾子才貪狀降兩官帝復密問安吉守吳子明子明奏曰臣嘗至子才家四壁蕭然人咸知其清貧陛下毋信讒言帝語經筵官曰牟子才之事吳子明乃謂無之何也眾莫敢對慶炯曰臣憶子才嘗繳

駁子明之兄子聰案女冠吳知古得幸其姪子聰貪緣以進得知問門事子才繳奏子聰改知禮州子才亦求去出知太平帝曰然事遂解宋史本傳理宗紀牟子才傳馬

陳宜中字與權少甚貧而性特俊拔有賈人推其生時以爲當大貴以女妻之既入太學有文譽寶祐中丁大全以戚里婢壻事權倖盧允升董宗臣因得寵於理宗擢爲殿中侍御史在臺橫甚宜中與黃鏞劉黻林則祖陳宗曾唯六人上言攻之大全怒使監察御史吳衍劾宜中等削其籍拘管他州司業率十二齋生冠帶送之橋門之外大全益怒立碑學中戒諸生無妄議國政且令自後有上書者前廊生看詳以牒報檢院由是士論翕然稱之號爲六君子宜中謫建昌軍大全既竄丞相吳潛奏還之賈似道入

永嘉縣志

卷之十四

人物

名臣

三

民國十四年補刻

相復爲之請有詔六人皆免省試令赴景定三年廷試而宜中中第二人六人之中宜中尤達時務由紹興府推官戶部架閣祕書省正字校書郎數年遷監察御史程元鳳再相似道恐其侵權欲去之宜中首劾元鳳縱丁大全肆惡基宗社之禍元鳳命遂格除太府卿宜中亦自請外爲江東提舉茶鹽常平公事四年改浙西提刑五年召爲太常少卿崇政殿說書累遷禮部侍郎兼中書舍人七年閩闕帥以顯文閣待制知福州在官得民心歲餘入爲刑部尙書九年九月自兼權吏部尙書除端明殿學士同簽書樞密院事十年十月除簽書樞密院事兼權參知政事德

祐元年正月升同知樞密院事二月似道喪師蕪湖乃以
宜中知樞密院兼參知政事已而爲應龍自軍中歸宜中
問似道所在應龍以不知對宜中以爲似道已死卽上疏
乞正似道誤國之罪以道行時以所親信韓震總禁兵人
有言震欲以兵劫遷者宜中召震計事伏壯士袖鐵椎擊
殺之以示不黨於似道時右丞相章鑑宵遁曾淵子等請
命宜中攝丞相事三月詔以王爚爲左丞相拜宜中特進
右丞相四月爚還論事卽與宜中不合臺臣孫爍叟請竄
籍潛說友吳益李珣宜中以爲簿錄非盛世事祖宗忠厚
未嘗輕用之珣方召入朝遽加重刑恐後無以示信爚力

永嘉縣志

卷之十四

人物 名臣

三五

爭以爲當如爍叟議會留夢炎自湖南入朝爚與宜中俱
乞罷政請以夢炎爲相太皇太后乃以宜中爲左丞相夢
炎爲右丞相並都督諸路軍馬爚進平章軍國重事爚拜
命卽日徼民居以丞相府讓宜中宜中上疏以爲一辭一
受何以辭天下之譏亦去遣使數輩遮留之始至時命張
世傑等四道進師二丞相都督軍馬而不出督爚請以一
丞相建閩吳門以護諸將不然則已請行宜中媿始與夢
炎上疏乞行邊事下公卿議不決七月世傑等兵果敗於
焦山爚奏言事無重於兵今二相並建都督廟算指授臣
不得而知比者六月出師諸將無統臣豈不知吳門距京

不遠而必爲此請者蓋大敵在境非陛下自將則大臣開
督今世傑等以諸將心力不一而敗不知國家尙堪幾敗
耶臣旣不得其職又不得其言乞罷免不允煇子曰乃曠
京學生伏闕上書數宜中過失數十事其略以爲趙潛趙
與鑑皆棄城遁宜中乃借使過之說以報私恩令狐榘潛
說友皆以城降乃受其苞苴而爲之羽翼文天祥率兵勤
王信讒而沮撓之似道喪師誤國陽請致罰而陰佑之元
兵薄國門勤王之師乃嚙之京城而不遣宰相當出督而
畏縮猶豫第令集議而不行呂師夔狼子野心而使之通
好乞盟張世傑步兵而用之於水劉師勇水兵而用之於

永嘉縣志

卷之十四

人物 名臣

三

步指授失宜因以敗事臣恐誤國將不止於一似道也書
上宜中竟去遣使召之不至其後罷煇命臨安府捕逮京
學生召之亦不至太皇太后自爲書遺其母楊使勉諭之
宜中始乞以祠官入侍九月授觀文殿大學士醴泉觀使
兼侍讀十月壬寅始造朝尋爲右丞相然事已去矣宜中
倉皇發京城民爲兵年十五以上者皆籍之人皆以爲笑
十一月遣張全合尹玉麻士龍兵援常州玉與士龍皆戰
死全不發一矢奔還文天祥請誅全宜中釋不問已而常
州破兵薄獨松關隣邑望風皆遁宜中遣使如軍中請和
不得卽率羣臣入宮請遷都太皇太后不可宜中痛哭請

之太皇太后乃命裝俟升車結百官路費銀及暮宜中不入太皇太后怒曰吾初不欲遷而大臣數以爲請願欺我邪脫簪珥擲之地遂閉閣羣臣求內引皆不納蓋宜中實以明日遷倉卒奏陳失審耳宜中初與大元丞相伯顏期會軍中旣而悔之不果往伯顏將兵至皋亭山宜中宵遁陸秀夫奉二王入温州遣人召宜中宜中至温州而其母死張世傑舁其棺舟中遂與俱入閩中益王立復以爲左丞相井澳之敗宜中欲奉王走占城乃先如占城諭意度事不可爲遂不反二王累使召之終不至至元十九年大軍伐占城宜中走暹後沒於暹宜中爲人多術數少爲縣

永嘉縣志

卷之十四

人物 名臣

七

學生其父爲吏受贓當黥宜中上書溫守魏克愚請貸之克愚以爲黠吏卒寘之法其後宜中爲浙西提刑克愚郊迎宜中報禮不書銜亦云部下民陳某克愚皇恐不敢受袖而謝之宜中陽禮之而陰撫其過無所得其後克愚發賈德生冒借官木事忤似道廢罷家居宜中入乃極言克愚居鄉不法事似道合章鑑劾之貶嚴州克愚之死宜中

擠之爲多

宋史本傳

附鄭所南二唁詩序德祐元年二月賈似道敗績陳宜中當國又以物議抗疏而

遁太皇屢降詔趣入至九月始歸朝二年賊通行在遂與張世傑劉師勇奉二王南奔公嘗夢二日相鬪其一墮地其一墮入袖中數數以耐死字諭諸文武百揆後勢不能統制又恐爲左右所賣托失風奔占城俄而占城小降又遁而奔閩婆國嘗遣使約張世傑以外國兵來會張已敗棄崖山先是景炎二年公以空名省札數十道遣戴恩來

吳密論使臣呂大升編誘浙西數州有慈愷心者皆填名
補官大升用心布置遠近繼應有高其姓者身本南人反
以告賊竟誤大事且聞公至海南諸國有讓王位與之者
公亦不受又云陳丞相張少保伶仃大海中人豈不能脅
取以授賊二公忠烈動天地德義感人心所以無萌是念
者今俱莫定其所在昔太平盛時不得拜二公於馬前一
議雲臺之像
深以為惜

明

黃淮字宗豫號介菴父性方國珍據温州遜迹避偽命淮
舉洪武丁丑進士授中書舍人成祖卽位召對稱旨命與
解縉常立御榻左備顧問或至夜分帝就寢猶賜坐榻前
語機密重務悉預聞既而與縉等六人並直文淵閣改翰
林編修進侍讀議立太子淮請立嫡以長太子立遷左庶

永嘉縣志

卷之十四

人物 名臣

夫

子兼侍讀永樂五年解縉黜淮進右春坊大學士明年與
胡廣金幼孜楊榮楊士奇同輔導太孫七年帝北巡命淮
及蹇義金忠楊士奇輔皇太子監國十一年再北巡仍留
守明年帝征瓦剌還太子遣使迎稍緩帝重入高煦譖悉
徵東宮官屬下詔獄淮及楊溥金問皆坐繫十年仁宗卽
位復官尋擢通政使兼武英殿大學士與楊榮金幼孜楊
士奇同掌內制丁母憂乞終制不許明年進少保戶部尙
書兼大學士如故仁宗崩太子在南京漢王久蓄異志中
外疑懼淮憂危嘔血宣德元年帝親征樂安命淮居守明
年以疾乞休許之父性年九十奉養甚歡及性卒賜葬祭

淮詣闕謝值燈時賜游西苑詔乘肩輿登萬歲山命主會
試比辭歸餞之太液池帝爲長歌送之且曰朕生日卿其
復來明年入賀英宗立再入朝正統十四年六月卒年八
十三謚文簡淮性明果達於治體永樂中長沙妖人李法
良反仁宗方監國命豐城侯李彬討之漢王忌太子有功
詭言彬不可用淮曰彬老將必能滅賊願急遣彬卒禽法
良又時有告黨逆者淮言於帝曰洪武末年已有勅禁不
宜復理吏部追論靖難兵起時南人官北地不卽歸附者
當編戍淮曰如是恐示人不廣帝皆從之阿魯台歸款請
得役屬吐蕃諸部求朝廷刻金作誓詞磨其金酒中飲諸

永嘉縣志

卷之十四

人物

名臣

三

酋長以盟衆議欲許之淮曰彼勢分則易制一則難圖矣
帝顧左右曰黃淮論事如立高岡無遠不見西域僧大寶
法王來朝帝將刻玉印賜之以璞示淮淮曰朝廷賜諸番
制勅用勅命廣運二寶今此玉較大非所以示遠人尊朝
廷帝嘉納其獻替類如此然量頗隘同列有小過輒以聞
或謂解縉之謫淮有力焉其見疎於宣宗也亦謂楊榮言
淮病瘵能染人云明史本傳淮歷相兩朝恩賚優渥而居第有
古旋馬風所著有介菴集省愆集歸田稿子棐尙寶司丞
采歷中書舍人太常少卿精筆札工詩文康熙府志
王瓚字思獻祖文煥號環菴父祚字怡遠皆有隱德宏治

丙辰瓚登進士第二人及第翰林院編修纂修會典國史司教內書堂正德丙寅陞侍講充經筵講官進講舉直錯枉章舉宦官宮妾以諷蓋微指逆瑾也瑾怒矯旨詰責遷國子司業瑾誅進南祭酒講明正學著四書五經誠敬等箴改北祭酒擢禮部侍郎時車駕數巡幸儲位久虛乃疏請育宗室一人於宮中又疏請回鑾罷犒軍其略云自八月二十八日聖駕離宮後遂出關今已踰月未奉還朝臣實切思戀京師有宗廟社稷宮闕之重百司庶府之務六軍萬姓之命皆係屬於陛下今皆委而去之日引月長羣心怠緩倘有奸人竊發上無調度之主下無專斷之權事

永嘉縣志

卷之十四

人物

名臣

三

勢至此豈勝危慄又聞聖旨取犒軍銀一百萬兩責辦嚴急此蓋陛下親見邊軍饑寒困苦動不忍人之心故有此命但戶部多方檢括尙不及半況士未見敵府庫已虛使寇犯邊疆或民窮盜起以陛下天威臨之勢必摧折然六師之奉又於何處取給成功之日又將何物充賞且朝廷每降勅書必有璽封重復一應批答悉由機密之司所以防詐僞也今旨從遠來真僞難驗繼而有詐爲變非輕故重戰輕防古人所戒虛內事外安危係焉臣日夕懷憂不遑甯處誠願陛下深存顧慮特賜採納卽日戒途還宮宗社臣民不勝慶幸疏奏不省以母憂歸尋卒贈禮部尙書

謚文定所著有正教編甌濱集宏治温州府志子佺以廕
歷南京工部營繕司郎中健登進士自有傳舊府縣志

張孚敬原名璉字秉用姚溪人舉於鄉七試不第將謁選
蕭鳴鳳善星術語之曰從此三載成進士又三載當驟貴
璉乃歸正德十六年登第年四十七矣世宗初踐阼議追
崇所生父興獻王廷臣持之議三上三却璉時在部觀政
以是年七月朔上疏曰孝子之至莫大乎尊親尊親之至
莫大乎以天下養陛下嗣登大寶卽議追尊聖考以正其
號奉迎聖母以致其養誠大孝也廷議執漢定陶宋濮王
故事謂爲人後者爲之子不得顧私親夫天下豈有無父

永嘉縣志

卷之十四

人物 名臣

三

母之國哉記曰禮非天降非地出人情而已漢哀帝宋英
宗固定陶濮王子然成帝仁宗皆預立爲嗣養之宮中其
爲人後之義甚明故師丹司馬光之論行於彼一時則可
今武宗無嗣大臣遵祖訓以陛下倫序當立而迎立之遺
詔直曰興獻王長子未嘗著爲人後之義則陛下之興實
所以承祖宗之統與預立爲嗣養之宮中者較然不同議
者謂孝廟德澤在人不可無後假令聖考尙存嗣位今日
恐弟亦無後兄之義且迎養聖母以母之親也稱皇叔母
則當以君臣禮見恐子無臣母之義禮長子不得爲人後
聖考止生陛下一人利天下而爲人後恐子無自絕其父

母之義故在陛下謂入繼祖後而得不廢其尊親則可謂
爲人後以自絕其親則不可夫統與嗣不同非必父死子
立也漢文承惠帝後則以弟繼宣帝承昭帝後則以兄孫
繼若必奪此父子之親建彼父子之號然後謂之繼統則
古有稱高伯祖皇伯考者皆不得謂之統乎臣竊謂今日
之禮宜別立聖考廟於京師使得隆尊親之孝且使母以
子貴尊與父同則聖考不失其爲父聖母不失其爲母矣
帝方扼廷議得璵疏大喜曰此論出吾父子獲全矣亟下
廷臣議廷臣大怪駭交起擊之禮臣毛澄等執如初會獻
王妃至通州聞尊稱禮未定止不肯入帝聞而泣欲避位
永嘉縣志

卷之十四

人物 名臣

三

歸藩璵乃著大禮或問上之帝於是連駁禮官疏廷臣不
得已合議尊孝宗曰皇考興獻王曰本生父興獻帝璵亦
除南京刑部主事以去追崇議且寢至嘉靖二年正月帝
得桂萼疏心動復下廷議汪俊代毛澄爲禮部執如澄璵
乃復上疏曰陛下遵兄終弟及之訓倫序當立禮官不思
陛下實入繼大統之君而強比與爲人後之例絕獻帝天
性之恩蔑武宗相傳之統致陛下父子伯姪兄弟名實俱
紊靈負天子不敢忤權臣此何心也伏睹聖諭云興獻王
獨生朕一人旣不得承緒又不得徽稱罔極之恩何由得
報執政窺測上心有見於推尊之重故今日爭一帝字明

日爭一皇字而陛下之心亦日以不帝不皇爲歎既而加稱爲帝謂陛下心旣慰矣故留一皇字以覘陛下將來未盡之心遂敢稱孝宗爲皇考稱興獻帝爲本生父父子之名旣更推崇之義安在乃遽詔告天下乘陛下不覺陷以不孝禮曰君子不奪人之親亦不可奪親也陛下尊爲萬乘父子之親人可得而奪之又可容人之奪之乎故今日之禮不在皇與不皇惟在考與不考若徒爭一皇字則執政必姑以是塞今日之議陛下亦姑以是滿今日之心臣恐天下知禮者必將非笑無已也與桂萼第二疏同上帝益大喜立召兩人赴京命未達兩人及黃宗明黃綰復合

永嘉縣志

卷之十四

人物 名臣

三

疏力爭及獻帝改稱本生皇考閣臣以尊稱旣定請停召命帝不得已從之二人已在道復馳疏曰禮官懼臣等面質故先爲此術求遂其私若不亟去本生之稱天下後世終以陛下爲孝宗之子墮禮官欺蔽中矣帝益心動趣召二人五月抵都復條上七事衆洶洶欲撲殺之萼懼不敢出璫閱數日始朝給事御史張翀鄭本公等連章力攻帝益不悅特授二人翰林學士二人力辭且請面折廷臣之非給事御史李學會吉棠等言璫萼曲學阿世聖世所必誅以傳奉爲學士累聖德不少御史段續陳相又特疏論并及席書帝責學會等對狀下續相詔獄刑部尙書趙鑑

亦請置璉等於理語人曰得命旨便擗殺之帝責以朋奸亦令對狀璉等乃復列欺罔十三事力折廷臣及廷臣伏闕哭爭盡繫詔獄予杖死杖下者十餘人貶竄相繼由是璉等勢大張其年九月卒用其議定尊稱帝益眷倚璉等冬大禮集議成進詹事兼翰林學士後議世廟神道廟樂武舞及太后謁廟帝率倚璉言而決璉緣飾經文委曲當帝意帝益器之璉急圖柄用爲大學士費宏所抑遂與璉連章攻宏帝亦知其情留宏不卽放五年七月璉以省墓請旣辭朝帝復用爲兵部右侍郎兼官如故給事中杜桐

永嘉縣志

卷之十四

人物

名臣

三

楊言趙廷瑞交章力詆并劾吏部尙書廖紀引用邪人帝怒切責之兩京給事御史解一貫張錄方紀達戴繼先等復交章論不已皆不聽尋進璉左侍郎復與璉攻費宏明年二月興王邦奇獄構陷楊廷和等宏及石瑄同日罷吏部郎中彭澤以浮躁被斥璉言昔議禮時澤勸臣進大禮或問致招衆忌今諸臣去之將以次去臣等澤乃得留居三日復言臣與舉朝抗四五年舉朝攻臣至百十疏今修大禮全書元惡寒心羣奸側目故要略方進讒謗繁興使全書告成將誣陷益甚因引疾求退以要帝帝優詔慰留吏部闕尙書推前尙書喬宇楊旦禮部尙書亦缺推侍郎

劉龍溫仁和仁以俸深爭璉言宇旦乃楊廷和黨而仁和亦不宜自薦帝命大臣休致者非奉詔不得推舉宇等遂廢璉積怒廷臣日謀報復會山西巡按馬錄治反賊李福達獄詞連武定侯郭勛法司讞如錄擬璉讒於帝謂廷臣以議禮故陷勛帝果疑諸臣朋比乃命璉署都察院桂萼署刑部方獻夫署大理覆讞盡反其獄傾諸異己者大臣顏頤壽聶賢以下咸被榜掠錄等坐罪遠竄帝益以爲能獎勞之便殿賚二品服三代封誥京察及言官互糾已黜御史十三人璉掌憲復請考察斥十二人又奏行憲綱七條鉗束巡按御史其年冬遂拜禮部尙書兼文淵閣大學士入參機務去釋褐六年耳楊一清爲首輔翟鑾亦在閣帝待之不如璉嘗諭璉朕有密諭毋泄朕與卿帖悉親書璉因引仁宗賜楊士奇等銀章事帝賜璉二章文曰忠良貞一曰繩愆弼違因并及一清等璉初拜學士諸翰林恥之不與並列璉深恨及侍讀汪佃講洪範不稱旨帝令補外璉乃請自講讀以下量才外補改官及罷黜者二十二人諸庶吉士皆除部屬及知縣由是翰苑爲空七年正月帝視朝見璉萼班兵部尙書李承勛下意矚之一清因請加散官乃手勅加二人太子太保璉辭以未建青宮官不當設乃更加少保兼太子太保明倫大典成復進少傅

永嘉縣志

卷之十四

人物 名臣

三

兼太子太傅吏部尙書謹身殿大學士一清再相頗由璵
萼力傾心下二人而璵終以壓於一清不獲盡如意遂相
齟齬指揮聶能遷劾璵璵欲置之死一清擬旨稍輕璵益
恨斥一清爲奸人鄙夫一清再疏引退且刺璵隱情帝手
勅慰留因極言璵自伐其能恃寵不讓良可歎息璵見帝
忽暴其短頗愧沮八年秋給事中孫應奎劾一清萼并及
璵其同官王準復劾璵私參將陳璠宜斥璵乞休者再詞
多陰詆一清帝乃褒諭璵而給事中陸粲復劾其擅作威
福報復恩怨帝大感悟立罷璵頃之其黨霍韜力攻一清
微爲璵白璵行抵天津帝命行人齎手敕召還一清遂罷

永嘉縣志

卷之十四

人物 名臣

三

去璵爲首輔帝自排廷議定大禮遂以制作禮樂自任而
夏言始用事乃議皇后親蠶議勾龍棄配社稷議分祭天
地議罷太宗配祀議朝日夕月別建東西二郊議祀高禩
議文廟設主更從祀諸儒議祧德祖正太祖南向議祈穀
議大禘議帝社帝稷奏必下璵議顧帝取獨斷璵言亦不
盡入其諫罷太宗配天三四往復卒勿能止也十年二月
璵以名嫌御諱請更乃賜名孚敬字茂恭御書四大字賜
焉夏言恃帝眷數以事計孚敬孚敬銜之未有以發納彭
澤言構陷行人司正薛侃因侃以害言廷鞫事露旨斥其
忤罔御史譚讚端廷赦唐愈賢交章劾之帝諭法司令致

仕孚敬乃大慚去未幾遣行人齎敕召之明年三月還朝
言已擢禮部尙書益用事李時翟鑾在閣方獻夫繼入孚
敬亦不能專恣如曩時矣八月彗星見東井帝心疑大臣
擅政孚敬因求罷都給事中魏良弼詆孚敬奸孚敬言良
弼以濫舉京營官奪俸出臣擬旨挾私報復給事中秦鰲
劾孚敬強辯飾奸言官論列輒文致其罪擬旨不密引以
自歸明示中外若天子權在其掌握帝是鰲言令孚敬自
陳狀許之致仕李時請給廩隸勅書不許再請乃得馳傳
歸十二年正月帝復思之遣鴻臚齎勅召四月還朝六月
彗星復見畢昴間乞避位不許明年進少師兼太子太師
永嘉縣志

卷之十四

人物 名臣

三

華蓋殿大學士初潞州陳卿亂孚敬主用兵賊竟滅大同
再亂亦主用兵薦劉源清爲總督師久無功其後亂定代
王請大臣安輯夏言遂力詆用兵之謬請如王言語多侵
孚敬孚敬怒持王疏不行帝諭令與言交好而遣黃綰之
大同相機行事孚敬以議不用稱疾乞休疏三上已而子
死請益力帝報曰卿無疾疑朕耳孚敬復上奏不引咎且
歷詆同議禮之萼獻夫韜綰等帝詰責之乃復起視事帝
於文華殿後建九五齋恭默室爲齋居所命輔臣賦詩孚
敬及時各爲四首以上已數召見便殿從容議政十四年
春得疾帝遣中官賜尊牢而與時言頗及其執拗且不惜

人才以叢怨狀又遣中官賜藥餌手救言古有嘉醫療大
臣疾者朕今以己所服者賜卿孚敬幸得溫諭遂屢疏乞
骸骨命行人御醫護歸有司給廩隸如制明年五月帝復
遣錦衣官齎手勅視疾趣其還行至金華疾大作乃歸十
八年二月卒帝在承天聞之傷悼不已孚敬剛明果敢不
避嫌怨既遇主亦時進讜言帝欲坐張延齡反族其家孚
敬諍曰延齡守財虜耳何能反數詰問對如初及秋盡當
論孚敬上疏謂昭聖皇太后春秋高卒聞延齡死萬一不
食有他故何以慰敬皇帝在天之靈帝恚責孚敬自古強
臣令主非一若今愛死囚令主矣當悔不從廷和事敬皇

永嘉縣志

卷之十四

人物 名臣

五

帝耶帝故爲重語惕止孚敬而孚敬意不已以故終昭聖
皇太后世延齡得長繫他若清勛戚莊田罷天下鎮守內
臣先後殆盡皆其力也持身特廉痛惡臧吏一時苞苴路
絕而性很復報復相尋不護善類欲力破人臣私黨而已
先爲黨魁大禮大獄叢詬沒世顧帝始終眷禮廷臣卒莫
與一嘗稱少師羅山而不名其卒也禮官請謚帝取危身
奉上之義特謚文忠贈太師明史本傳萬曆三十三年復遣官
諭祭蓋異數云孚敬嘗進姚溪書院集世宗賜書院名貞
義堂名抱忠所著有禮記章句大禮要略羅山奏疏羅山
文集正先師孔子祀典集議金滕辨疑欽明大獄錄勅諭

項喬字子遷居九曲巷自號九曲山人嘉靖八年會試第
二授南京工部主事分司儀真廠同年羅洪先攜家過真
病者相繼喬遣人助薪水每日坐榻上問疾羅甚義之調
兵部武選主事以失覺詐竇謫福益州同知下車公宴日
革里役所供門吏宴賞錢令罷宴攜所刻牧民條約舉業
詳說頒示士民十四年擢守撫州下令曰天下患無好官
不患無好百姓凡有利當興有害當除者一一相告吾爲
爾罷行之調六邑生徒親加校閱品其文行以相勸勵遷
寶應廢寺爲學調廬州府政崇大體重士近民作賦役冊
永嘉縣志

卷之十四

人物 名臣

三

懲盜抑吏羣小畏服有被髮降神在府前者命枷之曰神
能脫枷乃免竟不能脫匝月乃釋建雞皮馬尾二橋以便
過客巡撫周金薦郡守賢者三人而不及喬唐順之移書
爭之又與喬書稱其質重純明腳踏實地但持守有餘而
充拓未至資稟有餘於毅而力量不足於宏蓋謂質美而
學未至也然喬則自謂質魯頗知好學云尋坐通判趙迎
刻書飛謗罷起復補河間知府復因王聯誤奏善類下兵
馬司獄久之得白陞湖廣按察副使時楚愍王橫暴無忌
內外洶洶喬謂僚友曰王將罹禍乃撰勸諭省戒書千言
投之仍令曉文義者朝夕講讀冀其遷改言甚剴切王不

納旋有英耀弑逆之禍一時左右導淫助惡者有司窮治殆無孑遺悉中喬旨仕終廣東參政喬為人渾樸明斷見事最早心事洞然無城府以聖人爲必可師見善如不及湛甘泉呂涇野皆稱許之一時推爲名士張文忠當國嘗欲引致華要喬謝焉歷官二十餘年潔己愛民興利除害所至多善政平居未嘗一日廢書研窮理與不主一家有所獨得輒劄記以自鏡雖夜必興其勤如此爲文必關世教不事險棘靡豔所著有甌東文錄私錄政錄數十卷子文煥字思堯號爲齋著有自貴軒稿孫敬祖字季興性通脫輕財好施攜家暘湖之上雜植松竹花蔓客至卽具酒

永嘉縣志

卷之十四

人物 名臣

早

必令醉乃已又嘗攜孥僦居金陵徧游吳越盡交當世名

流年及艾乃歸何无咎爲之傳

萬姓統譜萬曆府志福建通志江西通志廬州府志

荆川文集甌東私錄汲古堂集甌海軼聞

陳堯言字汝則萬曆己未進士授行人持節使趙楚二藩

饋遺悉無所受崇禎初擢南戶科給事中首請靖難諸臣

謚典敕部議行會南儲告匱京軍十數萬聚譟正陽門堯

言以陵寢重地飛章奏請得給各衛旗船漕米二十餘萬

石六軍懽呼南畿以定又條奏切務五一日定聖志官方

淆雜志必期於澄清吏治貪殘志必期於振刷邊餉破冒

志必期於核實民生窮苦志必期於軫恤皇上以此厲精

於上羣工敢不竭蹶於下乎一日隆泰交御朝講學之暇
凡人才邊防民情財用兵刑諸大政時召密勿諸臣曲賜
清問俾得抒誠獻納而諸臣之才品德量亦俱在皇上洞
鑒中矣一日惜人才自權奸竊命概以門戶二字錮天下
之士今奉旨昭雪而啟事猶遺臣以爲除贓罪以外俱當
復其冠帶以待錄用亦鼓舞人才之一端也一日息紛囂
皇上以議論還之言官羣臣當各靜修其職矣乃復有乘
機售奸者則今日之借題崔魏卽前日借題楊左之故智
也宜嚴懲之以儆其餘一日重名器自權奸竊刀鋸以作
威復竊爵賞以作福蟒玉被於廝役冠裳濫及販傭錦衣

永嘉縣志

卷之十四

人物 名臣

聖

衛之傳陞文思院太醫院之冒銜及各監局之匠役冗食
冗費不可數計今奉旨清查徹底澄汰則歲省太倉粟米
內府金錢當不下鉅萬至若事例濫開恩貢選貢白丁可
買有朝游市井暮籍明經者名器弁髦名教決裂矣臣以
爲當永杜此例不得復開有冒恩選等貢賄授正印等官
者查實褫削無令久玷官譜爲民蠹賊也由是爲忌者所
中出補陝西參議至中途嬰疾遂繳勅歸所著有焚餘草

舊府縣志
東甌文錄

王瑞柟字聖木

康熙府志云
字廷秘

宋儒志先生後天啟五年進

士授蘇州推官兼理兌運軍民交兌恒相軋啟覺瑞柟調

劑得宜歲省浮費三萬金上官爲勒石著令貴人弟奸法
執問如律其人中之當道將議調遂歸宗祿七年起河間
推官遷工部主事調兵部轉職方員外郎擢湖廣兵備僉
事駐襄陽十一年春張獻忠據穀城乞撫總理熊文燦許
之瑞柟以爲非計謀於巡按林銘球總兵官左良玉將俟
其至執之文燦固執以爲不可瑞柟言賊以計愚我我不
可爲所愚今良玉及諸將賈一選周仕鳳之兵俱在近境
誠合而擊之何患不捷文燦怒責以撓撫局瑞柟曰賊未
創而遽撫彼將無所懼惟示以必勦之勢乃心折不敢貳
非相撓也實相成也文燦不從瑞柟乃列上從征歸農解

永嘉縣志

卷之十四

人物 名臣

聖

散三策文燦亦不用瑞柟自爲檄諭獻忠獻忠恃文燦庇
己不聽明年獻忠叛瑞柟先已丁憂歸獻忠留書於壁言
己之叛總理使然具列上官姓名及取賄月日而題其末
曰不納我金者王兵備一人耳由是瑞柟名大著服闋未
及用而都城陷福王時召爲太僕少卿極陳有司虐民之
狀旋告歸唐王召赴福建仍故官未幾復歸及閩地盡失
温州亦不守避之山中有欲薦令出者乃拜辭家廟從容
入室自經死明史本傳子家琦家琛皆諸生負才名家琦終喪
後飲泣而卒家琛棄諸生混跡市廛以終舊府縣志

永嘉縣志卷之十四